

LAPORAN Utusan Malaysia, semalam.

2.9 juta penerima BSH dapat manfaat  
 Kaji lanjutkan kepada kumpulan M40

**KERETA RM30**  
**MOTOSIKAL RM12**

Program Subsidi Petrol (PSP) diperkenal awal tahun depan

Penerima Bantuan Sara Hidup (BSH) miliki kenderaan layak.

Dikredit terus ke akaun pemegang, setiap empat bulan.

Pemilik Kereta 1,600cc ke bawah terima RM30 sebulan, pemilik motosikal 150cc ke bawah terima RM12.

Prinsip bantuan yang hendak disampaikan oleh kerajaan adalah melalui pengurangan semua subsidi yang saksama (available redistribution) dan dasar berpandukan data (data driven policy).

Harga RON95 kekal RM2.08 hingga Disember, diapungkan tahun depan.

Menteri Perdagangan Dalam Negeri dan Hal Ehsan Pengguna

**BERITA DI MUKA 4**

# Mana peruntukan PSP 2019?

Oleh **AZRUL HAKIMIE ANUER**  
 pengarang@utusan.com.my

■ **KUALA LUMPUR 8 OKT.**

**P**ERGERAKAN Pemuda UMNO hari ini memersoalkan kedudukan peruntukan sebanyak RM2 bilion bagi pelaksanaan Program Subsidi Petrol (PSP) yang telah dibentang dan diluluskan dalam Belanjawan 2019, tahun lalu.

Hal ini berikutan keputusan Menteri Perdagangan Dalam Negeri dan Hal Ehsan Pengguna, Datuk Seri Saifuddin Nasution Ismail bahawa PSP hanya akan dilaksanakan mulai 1 Januari tahun depan.

Sehubungan itu, Ketuaanya, Datuk Dr. Asyraf Wajdi Dusuki mahukan penjelasan sama ada PSP yang akan dilaksanakan itu akan menggunakan peruntukan melalui Belanjawan 2020 atau peruntukan sedia ada.

“Ucapan Belanjawan 2019 oleh Lim Guan Eng tahun lepas memperuntukkan RM2

bilion bagi PSP ini. Sekiranya Menteri Perdagangan Dalam Negeri dan Hal Ehsan Pengguna berkata pelaksanaan dimulakan pada 1 Januari 2020. Adakah ia menggunakan peruntukan Belanjawan 2020?”

“Bagaimana pula (peruntukan) RM2 bilion yang sepatutnya digunakan untuk program ini?” soalnya dalam kenyataan di sini hari ini.

Asyraf Wajdi turut mempersoalkan kegagalan kerajaan memberi komitmen untuk mengekalkan pe-

runtukan subsidi sebanyak RM2 bilion untuk tahun mendatang.

“Kementerian mengang-garkan tanggungan subsidi bagi pelaksanaan program ini adalah RM65.4 juta sebulan atau RM784.8 juta setahun.

“Mengapakah kerajaan tidak boleh memberikan komitmen untuk mengekalkan peruntukan RM2 bilion setahun untuk tahun-tahun akan datang seperti yang dijanjikan dalam ucapan Belanjawan 2019?” katanya.



**ASYRAF WAJDI DUSUKI**